

Styrkir til þróunarverkefna, jarðabóta og vatnsveitna árið 2009

Veittir eru styrkir til þróunarverkefna og jarðabóta á lögbýlum samkvæmt búnaðarlagasamningi

1. Endurræktun vegna aðlögunar að lífrænum búskap

Veitt er framlag til endurræktunar túna, akra (garðlanda) og gróðurhúsa vegna aðlögunar að lífrænum búskap. Framlag fæst í tvö ár af aðlögunartímanum fyrir hverja landspildu.

Framlag fyrir hvern ha. sem er í endurunnu landi er kr. 30.000 og kr. 300 fyrir m² land í gróðurhúsi í aðlögun. Einnig er veitt framlag vegna kostnaðar við upphaflega vottun, 40.000 kr., einu sinni.

Auk meðmæla héraðsráðunautar skal fylgja umsókn staðfesting vottunarstofu á að aðlögun sé hafin, eða tilvísun í fyrra árs staðfestingu að svo sé.

Við úttekt skal úttektarmaður fullvissa sig um stærð þess lands sem verið er að taka út í ha. eða m². Úttekt skal fylgja kort eða riss af túni, þar sem merkt er inn á hvaða spildur hafa verið endurunnar. Þeir einir sem eru á skrá hjá viðurkenndri vottunarstofu yfir þá sem eru í lífrænum búskap eða í aðlögun að honum, geta fengið framlag. Ekki þarf að sækja um þennan flokk fyrir 1. mars heldur er nægjanlegt að umsókn fylgi úttekt að hausti.

2. Umhverfis og þróunarverkefni í garðrækt/ylrækt

Framlag fæst til:

- A. Tölvu- og stýribúnaðar í gróðurhús. Hér undir falla tölvur, nemar og lokar til stýringar á hita, loftun, vökvun, áburðargjöf og kolsýrugjöf og fjargæslubúnaður.
- B. Kælibúnaðar í matjurta- og blómageymslur.
- C. Vökvunar- og frostvarnarbúnaðs í garðlöndum og ökrum.
- D. Hringrásarkerfis hitalagna í gróðurhús.

Framlag getur orðið allt að 25% af kaupverði tækjabúnaðar, en þó aldrei hærri upphæð en hér segir.

- A. Tölvu- og stýribúnaður í gróðurhús 400.000 kr.
- B. Kælibúnaður í geymslur 500.000 kr.
- C. Vökvunar- og frostvarnarbúnaður 500.000 kr.
- D. Hringrásarkerfi hitalagna í gróðurhús 200.000 kr.

Framlag reiknast af tækjabúnaði, en ekki vinnu við uppsetningu. Séu reikningar skv. tilboði fyrir tæki uppsett, munu BÍ áætla hve stór hluti reiknings er tæki og hve stór vinna, ef það kemur ekki fram á reikningnum. Raflagnir og fastar vatnslagnir sem lagðar eru sérstaklega vegna ofangreindra tækja teljast ekki til verðs á tækjum. Tækin skulu hafa verið sett upp og vinna eins og til er ætlast, áður en úttekt fer fram. Tæki sem áður hafa verið tekin út fást ekki tekin út aftur í öðru húsi eða á öðrum akri. Úttektarmaður skal fullvissa sig um að tæki, sem skal taka út, hafi verið sett upp og vinni eins og til er ætlast. Hann skal einnig fá til skoðunar reikninga yfir kaup á tækjum.

Aðeins fæst framlag til gróðurstöðva með rekstur sem er gjaldskyldur og skilar búnaðargjaldi.

4. Beitarstjórn og landnýting

Framlag fæst til:

- A) Landbótaáætlunar vegna gæðastýringar í sauðfjárrækt

B) Samsvarandi landbótaáætlunar í hrossarékt.

C) Landbótaáætlunar sem unnin er vegna þátttöku í verkefninu „Betra bú“.

Framlag er 45.000 kr. fyrir hverja áætlun.

Hver áætlun skal ná til a.m.k. þriggja ára (allt að tíu ára). Hvert bú fær ekki framlag oftar en á þriggja ára fresti.

Áætlunin skal viðurkennd og tekin út af héraðsráðunaut eða Landgræðslu ríkisins.

Ekki þarf að sækja um þennan flokk fyrir 1. mars heldur er nægjanlegt að umsókn fylgi úttekt að hausti.

5. Umhverfis- og fegrunarátak í sveitum

Framlag fæst til eftirtalinna átaksverka:

A. Til að fjarlægja brotajárn af bújörðum.

B. Til að hreinsa burt ónýtar, aflagðar girðingar.

C. Til að rífa og hreinsa burt ónýtar byggingar á jörðum.

Framlag getur numið;

A. Nái átakið til allt að 20 bújarða á félagssvæðinu er framlagið allt að 500.000,

B. Nái átakið til 21 - 40 bújarða er framlagið allt að kr. 650.000

C. Nái átakið til 41 jarðar eða fleiri er framlagið allt að kr. 800.000.

Hlutfallslegt framlag er greitt eftir fjölda bújarða innan ofangreindra flokka. Skilyrði er að umhverfisátakið fari fram á vegum búnaðarfélags, eða búnaðarsambands. Átakið skal vinna á grundvelli fyrirfram gerðrar framkvæmdaáætlunar. Sérstakt form verður útbúið fyrir áætlunina. Framlög fást ekki greidd fyrr en framkvæmdin er fullunnin og tekin út af héraðsráðunaut. Ekki er greitt framlag út á sömu jörð nema einu sinni.

Átakið nær jafnt til eyðibýla sem jarða í ábúð. Umsækjendur um framlag úr þessum flokki eru aðeins búnaðarfélög eða búnaðarsambönd.

6. Verkefni tengd búfjárhaldi og vinnuástöðu

A. Veitt er framlag til breytinga á gripahúsum, sem eru gerðar til að bæta aðbúnað búfjár eða vinnuástöðu í húsunum. Skilyrði fyrir framlagi er að hönnun og breytingar séu gerðar í samvinnu við héraðsráðunaut og/eða viðurkenndan hönnunaraðila og samþykkt af Byggingaþjónustu BÍ. Umsókninni verður að fylgja kostnaðaráætlun.

Framlag getur numið allt að 30% af sannanlegum kostnaði við hönnun og breytingar, en þó aldrei hærra upphæð en 500.000 kr. Ekki eru veitt framlög vegna nýbygginga.

B. Framlag fæst til byggingar gripaskjóra í högum. Aðeins fást framlög á gripaskjól sem unnin eru skv. teikningum, sem Byggingaþjónusta BÍ gerir eða samþykkir.

Framlag á skjól getur numið allt að 50.000 kr. á bú á ári.

C. Greidd verða framlög vegna endurnýjunar búra á loðdýrabúum, enda uppfylli hin nýju búr kröfur aðbúnaðarreglugerðar (nú í drögum) um stærðir og gerð og séu úr efni sem viðurkennt er af BÍ. Hámarksstyrkur út á 6 hólfa minkabúr/2ja hólfa refabúr er 3.500 kr.

Viðbót við flokk 6A:

500.000 kr. hámarksframlag er á bú, á þriggja ára fresti.

Markmið þessa flokks er að bæta aðbúnað og vinnuástöðu í gripahúsum, þar sem hún er ófullnægjandi. Ekki er um að ræða styrki til endurnýjunar/viðhalds á slitnum búnaði. Hönnuður/ir framkvæmdar þurfa að meta hvort hún muni skila tilætluðum tilgangi (bætt vinnuástaða og/eða aðbúnaður búfjár) og er hagkvæm lausn fyrir umsækjandann.

Breytingar á gólfefnum í gripahúsum teljast til viðhalds eða endurnýjunar, þó svo að verið sé að skipta um tegund af gólfefni, t.d. úr stálistum í rimlagólf.

Búnaður til loftræstingar (m.a. viftur, stokkar) og til brynningar (m.a. skálar, rör) er styrkhæfur ef úrbóta er þörf í viðkomandi gripahúsi enda er ekki um að ræða viðhald

né endurnýjun á því sem fyrir er.

Ekki eru veitt framlög til tækjakaupa s.s. fóðurvagna, hlaupakatta, talía, mjaltapjóna, mjaltatækja og afrúllara. Hins vegar eru básamottur, milligerðir, mjaltagryfjur, gjafagrindur og brautarkerfi ýmiskonar styrkhæf verkefni, enda liður í bættri vinnuástöðu og/eða aðbúnaði. Breytingar á húsum sem að öllu jöfnu hafa ekki hýst búpening geta verið styrkhæfar, enda er um bættu vinnuástöðu og/eða bættan aðbúnað að ræða og markmið breytinganna fela ekki í sér fjölgun búfjárins (er ekki nýbygging í þeim skilningi), t.d. getur smíði á sauðburðaraðstöðu og kálfaaðstöðu í hlöðum verið styrkhæfar framkvæmdir.

Tímakaupið er vegið meðaltal dag- og næturvinnu samkvæmt verðlagsgrundvelli kúabús, þ.e. 1.819 kr. árið 2009.

7. Viðhald framræslu lands vegna ræktunar

A. Upphreinsun úr framræsluskurðum í ræktuðu landi og affallskurðum frá þeim, þótt í óræktuðu landi sé, er 30.000 kr. á km.

B. Pípuræsi sem sett eru í opna skurði til að loka þeim eða til að tryggja örugga framræslu á landi, þar sem opnum skurðum hefur verið lokað. Skilyrði er að verkið sé unnið samkvæmt forskrift ráðunautar í jarðrækt og er 75.000 kr. á km.

C. Upphreinsun úr stórum affallsskurðum sem taka við vatni af stóru vatnasvæði kr. 60.000 á km. Skilyrði til að fá framlag skv. þessum lið er að skurðirnir séu hreinsaðir bakka á milli og séu minnst 6 m breiðir að ofan.

Ekki þarf að sækja um þennan flokk fyrir 1. mars heldur er nægjanlegt að umsókn fylgi úttekt að hausti.

8. Kölkun túna

Framlag til kölkunar túna fæst eingöngu út á flutning tunkalks (áburðarkalks, skeljasands). Framlag getur orðið allt að 10 kr. á tonn á km flutningsvegalengdar.

A. Frá uppskipunarstað til bónda

B. Úr heimafjörum til bónda. Umsækjandi þarf að fá viðurkenningu BÍ á að skeljasandur úr heimafjörum uppfylli kröfur um tunkalk áður en framlag fæst og er miðað við kalsíummagnið í sandinum, sem ekki má vera minna en 15%.

C. Heimilt er að greiða sérstakt framlag út á dælingu skeljasands úr sjó á land og er hvert tilvik meðhöndlað sérstaklega hjá BÍ.

Til að fá flutningsframlag á kalkið skal það hafa verið notað til jarðvegsbóta á tún eða annað ræktunarland. Jarðabótamaður skal við úttekt framvísa reikningum, þar sem greinilega kemur fram hver flutningskostnaður kalksins er. Önnur útvegum kalks en að ofan greinir getur verið styrkhæf, t.d. ef umsækjandi sér sjálfur um flutning kalksins en þá verður hann að gera nákvæma grein fyrir kostnaði.

Framlag samkvæmt þessum flokki geta bændur á lögbýlum fengið og einnig búnaðarfélag og búnaðarsambönd sem standa fyrir uppðælingu á skeljasandi á félagssvæðinu.

Ekki þarf að sækja um þennan flokk fyrir 1. mars heldur er nægjanlegt að umsókn fylgi úttekt að hausti.

Bú er skilgreint í ofangreindum reglum sem rekstrareining þar sem búnaðargjaldskyld framleiðsla er stunduð eða ferðaþjónusta veitt á lögbýli og er með sérstakt virðisaukaskattsnúmer.

Jöfnunarsjóður sveitarfélaganna veitir styrki til vatnsveitna á lögbýlum samkvæmt reglugerð nr 973/2000

9. Framlög til stofnframkvæmda við vatnsveitur á lögbýlum.

Framlag er allt að 44% af samþykktum kostnaði við gerð veitunnar. Skilyrði fyrir styrk er að landbúnaður sé stundaður í þeim mæli að talist geti búrekstur eða þáttur í búrekstri.

Til stofnkostnaðar við vatnsveitur telst kostnaður við vatnsupptöku, þ.e. brunnar og frágangur frá þeim, borholur, dælur og síunarbúnaður eða annar hreinsibúnaður, miðlunargeymar og stofnlögn frá vatnsbóli að húsvegg. Sé um samveitu að ræða, fær hvert býli framlag á kostnað við heimæð frá stofnæð að húsvegg, fyrir utan framlag á sameiginlegan stofnkostnað við vatnsupptöku, miðlunargeyma og sameiginlegar lagnir.

Við úttekt skal hafa verið gengið svo frá vatnsbóli að yfirborðsvatn komist ekki í það, nema veitan sé útbúin hreinsibúnaði fyrir yfirborðsvatn.

Framlag samkvæmt þessum lið fæst aðeins á neysluvatnsveitur á býli, en ekki á veitur til vökvunar, frostvarna eða brynningar í beitolöndum.

Nánari reglur má sjá í reglugerð nr 973/2000.

Veittir eru styrkir samkvæmt aðlögunarsamningi um starfsskilyrði framleiðenda garðyrkjuafurða milli ríkisstjórnar Íslands, Bændasamtaka Íslands / Sambands garðyrkjubænda

10. Lýsingarbúnaður í gróðurhúsum.

Framlag getur orðið allt að 30% af kostnaði við kaup og uppsetningu á lýsingarbúnaði í gróðurhúsum, þ.e. kostnaði við kaup og vinnu við að koma upp lömpum og endurskinstjöldum. Framlag getur þó aldrei farið fram úr 2400 kr. á hvern m² grunnflatar gróðurhúss.

Við úttekt skal úttektarmaður fullvissa sig um að lamparnir hafi verið settir upp og tengdir, svo og sannreyna flatarmál húss.

Veittir eru jarðræktarstyrkir samkvæmt búnaðarlagasamningi, samningi um starfsskilyrði sauðfjárræktar og samningi um starfsskilyrði mjólkurframleiðslu

11. Jarðrækt (korn- tún- og grænfóðurrækt)

Framlag fæst til sáningar þar sem korn-, tún- og grænfóðurrækt er ætluð til fóðurframleiðslu eða beitar samtals á a.m.k. tveimur ha. Uppskera er kvöð. Úttektaraðili sannreynir hvort um sé að ræða góða hefðbundna korn-, tún- eða grænfóðurrækt. Framlag á ha fyrir hvert bú ræðst af umfangi ræktunar. Gert er ráð fyrir að það verði kr. 15.000 á ha að 20 ha ræktun og 10.000 á ha upp að 40 ha ræktun, en skerðist á hvern ha hlutfallslega ef fjármunir hrökkva ekki til. Ef afgangur verður deilist hann jafnt á alla ræktaða hektara. Aðeins er greitt út á heila ha og venjulegar reglur um upphækkningar gilda. Til að standast úttekt þarf umsækjandi að leggja fram viðurkennt túnkort af ræktarlandinu (t.a.m. úr túnkortagrunni BÍ). Umsókn til búnaðarsambanda um úttekt að hausti jafngildir umsókn um styrk.